

ВИЗЬ-НОД

Дунтэк юрттэт

**Арлыдоос но,
нылпиос но**

Юристъёс дунтэк но юрттэт сётныны быгато шуыса кылъёскыз. Кин дунтэк юрттэт басьтыны быгатэ?

Олег П. Ижкар

Котькуд адымилэн улоназ юрист кулэ луылэ. Кин ке музей люке, кин ке ваньбурзэ чыжы-выжыослы кельтэ, кинэ ке ужысь мозмыто... Юристлэн юрттэмез дуно усе. Но Удмуртиын ульсьёс пöлысь оглюкетэз юрттэт басьтыны быгато воксё дунтэк.

2012-тй арын 17-тй декабре шаерамы кутэмын Удмуртиын дунтэк юрттэт сётон сярсы 70-РЗ номеро закон. Соя юристъёслэс дунтэк юрттэт басьтыны быгато:

- начар ульсь адымиос;
- 1-тй, 2-тй группаысь инвалидъёс;

- Быдзым ожысь ветеранъёс, Россия Федерациясь Геройёс, Совето Союзысь Геройёс, Социалистической Ужысь Геройёс, Россия Федерациясь Ужъя Геройёс, Слава орденлэн быдэс кавалеръёсыз, Ужъя Слава орденлэн 3 степеньёсыныз пусъемъёс;

- пичи вакытазы концлагерьёсы, геттоосы но фашистъёсын но соослэн союзникъёсынызы кылдытэм мукет кышкыт интыосы шедьлэмъёс;

- Быдзым ожын быремъёслэн кузпалъёсы;

- инвалид нылпиос, сиротаос, анай-атайлэн юрттэтэз кылемъёс;

- семьяязы анай-атайтэк кылем пиналэз бюджетыны басьтыны малпасъёс;

- мурт нылпиоз усновить каремъёс, нылпилэс правоосэ утёнъя юанъёсын вырыкузы;

- интернатъёсы, улон-вылонын юрттэт сётонъя учреждениосын сюрем инвалидъёс но арлыдоос;

- пытсэт сьöры я йыртэмамзы понна профилактика ортчонъя ёзъёсы шедем нылпиос но соослэн оскем муртъёсы (представительёсы);

- 1992-тй арын 2-тй июле кутэм психиатрия юрттэт басытон сярсы 3185-1 федерал законъя юрттэтлы право басытэмъёс;

- судэн недееспособной лыдъямъёс но соослэн оскем муртъёсы;

- шуак кылдэм кышкыт (чрезвычайной) югдурын шуге-леке вуэмъёс.

Дунтэк юрттэт сётъёске кун учреждениосын но, озы ик частной контораосын но. Кун системае пырысь учреждениос:



- министерствоос но ведомствоос;

- Медицинаын страхованиея улос фонд;

- ёросъёсысь юридической юрттэт сётонъя консультацияс;

- адвокатъёс;

- нотариусъёс.

Нодъяло 47 адвокатъёс

Кыёе учыръёсы сётъёске дунтэк юрттэт?

Мария В. Ижкар

Дунтэк юрттэт басытон понна адвокатъёслы мечак вазиськыны луэ. Туннэ нуналлы Удмуртиын дунтэк юрттэт сето 47 адвокатъёс. Соос визь-кенеш сето, куриськонъёс, жожтиськонъёс, ходатайствоос но мукет документъёс гожтыны юрто, судын, кун но муниципал организациосын но мукет учреждениосын адымилэс правоосэ утыны юрто. Но юрттэтсы дунтэк луэ таёе учыръёсы гинэ:

- ваньбуръя сделкаосты кутон, воштон, умойтэмен лыдъян, кун регистрация лэстын;

- сирота нылпиослэс улон интылы правозэс юнматон, соослы соцнаймлэн договорезъя улон инты сётон, наймлэн договорезъя нимысьтыз улон инты сётон;

- музеймы правозэ, сое ялан кутыны (бессрочное пользование) правозэ, улытозь соин кузёясыкыны правозэ юнматон но утён (споръяскон музеймы вылын корка сылэ ке но со адымилэн одйг гинэ улон интыез луэ ке);

- коммунальной услугаосъя потребительслэс правоосэ утён;

- уж сётъёслэн ужасеныз огкыл юнматыны пумит луэмез, ужъя законодательствозэ тйян, выльысь уже интыяскон, уждун берыктон, лулсэрез таркам понна (моральный вред) компенсация басытон;

Миръясь судьяослэс ужзэс радъянъя управление ёросъёсын пумиськонъёс ортчыгъя. Кылярысь, декабре дунтэк юрттэт сётэмын вал Алнашын ульсьёслы.

- адымиоз ужтэк кылемен лыдъян, пособие юнматон;

- ужын я шуак кылдэм кышкыт учырын тазалыкы изъян, сосьормон но кунон учыръёсы судйсь адымиоз ыштэм понна пособие басытон;

- калыкы улон-вылонын юрттон, начар ульсьёслы улон-вылонын юрттэт сётон, коммунальной услугаос понна субсидия висъян;

- арлыд вуэмъя, инвалид кылён учыръёсы, судйсь-вордйсь ыштэм понна пенсиосты юнматон, лыдъян, берыктон, озы ик огдыре ужтэк кылем, секытэн луэм, нылпи ваем понна, висемен я ужын шуге-леке вуэмен сэрен ужаны быгатымтэ понна пособиез юнматон, лыдъян но берыктон, озы ик нылпи вордэм понна огпол сётъёсысь пособиез, нылпиен пукем понна толзэлы быдэ сётъёсысь пособиез но кулэм адымиоз ватыны сётъёсысь пособиез лыдъян, юнматон, берыктон;

- алимент тырытон, атай я анай луэмез юнматон, эскерон;

- анай-атайтэк кылем нылпиосты ас вылад гожтон, опека я попечительство юнматон, пиналъёслэс правоосэ утён;

- политической репрессияос улэ сюремъёслы реабилитация ортчыны юрттон;

- дееспособностез сублигатон;

- психиатрической юрттэт сётъёске, правоосы но эрикез тйян ужпумъёсты эскерон;

- инвалидъёслы медицина-социальной экспертиза но реабилитация ортчонэн юрттэт;

- кун кивалтон ёзёслэс, интыысь аскивалтон ёзёслэс но нимысьтыз кивалтйсьёслэс актёссэс суд ортчэмлэс азьвыл эскерон-тупатон (обжалование);

- льготаосты но субсидияосты тыронэз тйян учыръёс;

- шуак кылдэм шимес учыръёс дыръя ваньбурлы ыштэм правоосты, адымиоз аслэсьтыз правоосэ берыктон, ыштон аджем понна компенсация басытон;

- Быдзым ожысь ветеранъёслэс, Россия Федерациясь Геройёслэс, Совето Союзысь Геройёслэс, Слава орденлэн быдэс кавалеръёсыз, Социалистической Ужысь Геройёслэс, Россия Федерациясь Ужъя Геройёслэс, Ужъя Слава орденлэн быдэс кавалеръёсыз, пичи дыръязы концлагерьёсы шедьлэмъёслэс, Быдзым ожын быремъёслэн кузпалъёсы лэс правоосэс утён (ужбергатонэн герзаскемын өвөл ке);

- улон интылы правоосты юнматыку, музеймы правоосты юнматыку но утыку, арлыдъя пенсилэс страховой люкетсэ, инвалид кылёнъя но судйсь-вордйсь ыштонъя пенсиоз юнматыку, выльысь лыдыяку но берыктыку юридической учыръёсты утчан-шараян.

Котькуд ёросын кылозы

Дунтэк юрттэт басытон понна одно ик-а Иже лыктоно?

О. Корепанова.
Шаркан ёрос

Ижын ульсьёслы дунтэк юрттэт сето **Удмуртиысь Адвокатъёслэн палатаысьтызы** адвокатъёс. Со понна азьвыл ик гожтйськоно 8(3412) 43-00-85 телефон номеръя яке ас тэлы палатае лыктоно: Ижкар, Родниковой ульча, 62-тй юрт.

Ёросъёсын но мукет городъёсын ульсьёс дунтэк юрттэтлы вазиськыны быгато Адвокатъёслэн палатаенызы юнматэм адвокатъёслы, соос вань ёросъёсын но городъёсын ужалло. Озы ик шаерысьтымы 15 юридической консультациясы.

Дунтэк ужась адвокатъёс, юристъёс сярсы юалляськоно:

- **Правительство бордын ужась Миръясь судьяослэс ужзэс радъянъя управлениысь.** Телефонъёсыз: 8(3412) 50-44-52, 50-40-05. Адресэз: Ижкар, Вороньлы 30 ар ульча, 17-тй юрт. Управленилэн сайтэз: www.uodms.udmurt.ru;

- **Удмуртиысь Адвокатъёслэн палатаысьтызы.** Телефонэз: 8(3412) 43-00-85. Адресэз: Ижкар, Родниковой ульча, 62-тй юрт. Сайтэз: www.aru.ru;

- **котькуд муниципал кылдытэлэн администрация.** ***

НАУКАЛЭН НУНАЛЫЗ

Фольклорысен литератураозь

Анастасия ШУМИЛОВА

8-тй тулыспалэ Рос-сийсь наукалэс нуналэ пусйимы. Со-лы сйзыса, Нылпиослэн элькун Библиотекаязы Истори-я, кыгъя но ли-тературая Удмурт институтлэн 2018-тй арын потэм книгаосыныз тодматскон ортчиз.

Институтлэн директорезлэс ужзэ быдэсъяс Игорь Поздеев верамъя, 2018-тй арын 10-лэс трос издание, зуч-удмурт кыллокамлэн рукописез дасямын. 2017-тй арен чопатыса, 2018-тй арын 20 процентлы уногес ужзэс печатламын.

Институтысь тодосчиос - С. Максимов, Н. Шутова, И. Нуриева, Н. Пислегин, Д. Пузанов, В. Воронцов - тодматйзы элькунмылэн историезлы, удмурт литературалы но кыллы, удмурт но зуч фольклорлы, этнографилы сйзем ужзёсынызы.

Маргарита Иванова историк тодматйз Учкарка городищез эскеронлы сйзем монографием - со бордын институтысь кöня ке тодосчиос ужазы.

Нэлли Лигенко историклэн «Предпринимательские династии Камско-Вятского региона 18-20-х веков» книгаезлэн 2-тй люкетэз потйз. Книгалэн 1-тй люкетэз печатласкем бере институтэ вазиськиллям вашкала купец семьяослэн чыжы-выжыоссы - соос трос выль материал вайызы.

Татьяна Владыкина фольклорист «Удмуртский фольклорный миротекст: образ, символ, ритуал» монографияз эскерем, кызы улон-вылон шоры вашкала учкон кылемын фольклорын.

Алексей Арзамазов филолог «Контексты художественного обновления национальной литературы» монографияз эскере туалла удмурт литератураез, саклык висъя на чечен, бигер, морд-ва литератураослы. Соосты чопатыса, А. Арзамазов возматэ удмурт литературалэс аспöртэмлыкъёссэ но дуннеысь культуран со-лэс интызэ.

Денис Черниенко историк мадиз «Историко-культурное наследие народов Урало-Поволжья» журнал сярсы - со алигес ужзэ мыгйз. Журнал араз 2 пол потыны кулэ. Институтлэн аслаз журналэз юрттоз мукет улосъёсысь но кунъёсысь тодосчиосын кусыпъёсты юнматыны.

Ужрадын возматэм тросэз книгаос интыясыкызы ини Йöскалык библиотекалэн книга жажыосаз. ***